

Das 44. Capitel/von Isopoel.

Auß dem Kraut vnd den Blumen/ macht man ein Oel/wenn man sie in ein Glas thut / vnd als Baumöl darüber geußt/ gleich wie das Chamillenöl.

Mit diesem Oel sollen sich die jenigen schmieren / so mit dem Schlag geplaget seyn: denn es erwärmet die kalte Glieder vnd die Señadern. Das Haupt damit geschmieret/ vertreibt die Leuß vnd das jucken.

Schlag.
Senna-
dern stär-
cken.
Leuß vers-
treiben.

Von gedistillirtem Isopöl.

Es wirdt auch auß dem durren Kraut künstlich ein Oel ge-
distillirt / welches Oleum Hissopi destillatum genennet
wirdt / zu den Lamen vnd erkalten Gliedern/ sonderlich gut.
Wirdt auch innerlich gebraucht zu dem kalten Magen/ vnd Där-
men / darvon die Colica oder das Bauchgrimmen entstanden ist/
dieselbig widerum zu erwärmen/ vnd das Grimmen zu vertreiben.
Es sol aber nicht allein vnd ohn zusatz eines andern Corporis ge-
braucht werden.

Lame glied-
der.
Kalter ma-
gen.
Colica.
Grimmen.

Das 45. Capitel/von Lauendelöl.

Auß den Lauendel Blumen/ wirdt auch ein Oel gemacht/ wenn man sie in Baumöl wirfft/ vnd in einem Glas an die Sonne stellt/ wie das Neglein Blumenöl. Dieses Oel wirdt eusserlich
gebraucht/ zu den erlambden Gliedern/ vnd die so erkaltet seyn/ mit
Wachs zu einem Sälblein gemacht/ vnd die Glieder im Bad da-
mit geschmieret. Man kan auch ein künstlich Oel darvon distillis-
ren/ Oleum lauendulæ destillatum genennet/ zu den erkalten vnd
erlambden Gliedern viel nützlicher dann das vorige: Innerlich vnd
eusserlich gebraucht vnd angestrichen. Dient auch wider die Ohn-
mache.

Lame glied-
der.

Ohnmache
an Schloff
gestrichen.

Das